

Keleier




Nedeleg !

ROAZON hag ar RETER

Peoc'h ha Levenez
evit ar holl bobloù.

niv. 1 - D.L.N. 10 - NEDELEG 1962.

HETOU GANT Jord ar MEE

 NEDELEG, gouel ar Mablg Jezuz, a zo ivez gouel ar c'houn. N'eus gouel all ebet o tegas ken tost d'hor c'halonoù ar gerent, ar vignoned o verañ e-tal hor c'hichen pe pell diouzimp.

Hiziv, nozvezh ar Pellgent, e pedomp ar holl vrezhonek da soñjal en o c'hennoiz, en holl dud ken youl ha kenene ganto, strollet en nester anvet ar Bobl Vrezhon. Soñjomp ivez er re a zo dalc'het e pell-vro, en holl gennoiz skignet dre ar bed hag a zo lorc'h enno gant o anv a Vrezhon.

Ur c'houn ivez evit hor breudeur Iwerzhoniz, Kembreiz, Skosiz, Kerneviz, Manaviz, evit ar pemp milion ha tregont a Gelted skignet en holl vroioù ar Bed.

Dalc'homp soñj eus kefudi uhel ar Gelted, an holl Gelted, e kenver an denelezh. Sevenadur ar Gelted, an hini koshañ e kornog Europa, a zo bet brokus atav-gant e zanvez. Lennegezh kozh Iwerzhon, bro-Gembre ha Breizh, a zo mammenn builh ur sevenadurezh savet uhel, disezet start war ar winionez hag an eeunded.

Buzhpenn-se, da Iwerzhoniz e tle ar bed ar vad graet ganto misionerion strewet en Europa a-bezh ha pelloc'h c'hoazh e-pad ar Grenn-Amzer, hag ivez skouer burzhudus youl, dalc'husted, kadornded Iwerzhoniz roet dimp gant istor Iwerzhon hed-a-hed ar c'hantvedoù betek hon devezhoù.

Da Gembreiz e tle ar bed ar mennoioù kalonek uhel, komzoù haer-membet o lennegezh dispar.

Da Skosiz, da Vreizhiz e tleer ar verdeidi niverus, an dizoloerion zouaroù, an embourion dispart ha dizarboell.

Da Kerneviz e tleer skouer dispar ur yezh adsavet gant youl un dornad tud.

Daoust da c'hoarvezadennoù kriz hon amzer, daoust da reuzioù brasoc'h c'hoazh a c'hallfe diehlannañ war ar bed, dalc'homp start d'hor pal uhel ha kenstrolomp hon holl strivadennoù evit ma treusvero hor sevenadurezh keltiek evit ma c'hallo c'hoazh skoazellañ mabden Deoc'h Brezhoned en harlu pell diouz ho pro, deoc'h holl, bugale ar ouenn geltiek, e Kasomp, dre Roazon-Breizh, goue'hemennoù kalonek ar Bobl Vrezhon hag hec'h hetoù buvidik evit ar Peoc'h hag evit berzh mat hor strivadennoù unanet. (Pennad bet savet evit nozvezh ar Pellgent 44)

La Couyère.

Savet eo bet e parrez la Couyère un delwenn da Santez ANNA (hent Roazon - Kastellbriant) - Kizellet eo bet ar skeudenn - vras mañ, e maen-greun, gant an Aotrou Aulnette eus Sel-de-Bretagne.

War ziazez an delwenn, an genoù-mañ; « O, Mère de la Patrie sois le salut de tes Bretons » ha dindan e brezhoneg; « SANTEZ ANNA AR SKLAERDER, PEDIT EVIDOMP. »

Laouen e vo an ao. Brand, person la Couyère, degemer ho profoù. Santez Anna v'ho pennigo!

(diwar prezegenn an ao. Poisson - oferenenn ar Vrezhonegerien - 28-10-62)

PROFOU evit ar re vras hag ar re vihan.

PROFOU aes da zibab, aes da reiñ, aes da gas.

LEVRIOÙ.

goulennit e ti ho LEVRIER

LEVRIOU

BREZHONEK



Goulennit rolloù al levrioù nevez digant;

"BRUDAR HA SKIGNAN"

AR BREZHONEG ER SKOL ... YA, met ar brezhoneg ER GÊR da gentañ!
Emglew an Tiegezhioù

GEVEZE: Baleadenn gant
"Emglev An Tiegezhioù".

Aozet e oa bet ur valeadenn
betek parez Geveze gant tie-
gezhioù brezhonek ROAZHON.
Plijadur 'zo bet evit an holl
kerent ha bugale (15 bennak ane-
zho). Degemer dispar digant
an adrou Barbotin, person ar
barrez ha digant Leanezed ar
skol (Brezhonegerien int!)

ROAZHON ✨

OFERENN AR PELLGENT, gant kantikoù
brezhonek ha sonerezh binioù ha bombard e cha-
pel skolaj Sant Varzhin - (Kevrenn Roazhon)

OFERENN (vizek) AR VREZHONEGERIEN,
e chapel Leanezed Santez Klara, straed
Brizeug, d'ar Sul 30 a viz Kerzu da 10e30.

Bep Sadorn da 21e.. bodadeg gant ar Vrezho
negerien (kan-koroll-c'hoari) 30 leurenn al Lisoù.

30 vet DEIZ HA BLOAZ "SKOL OBER" ENOR DA VARCHARID!

Mont a raio un toullad Roazhoniz da Gallag, d'ar Sul 23 a viz Ker-
zu evit diskouez o anaoudegezh vat da VARCHARID GOURLAOUEN.
Ne vefe ket an EMSAV ar pezh ez eo hep Marc'harid Gourlaouen. Hi hec'h
desket - pe addesket - brezhoneg d'an darn vrasañ ac'hanomp.

HE LABOUR EVIT BREIZH A RANK BEZANENORET. (Kuzul ar Brezhoneg)

Radio Roazhon (Thourie)

✨ BREZHONEG BREIZH! Bro Roazhon -

Dilun 24 a viz Kerzu da 18 eur,
KONTADENN NEDELEG gant
Per-Jakez HELIAS.

BREAL sous Montfort: War ur c'harr-samm:
"Kerz Abao!"

TIEZ KENWERZH e ROAZHON: "Ti breiz" -
"Ti an holl" - "Kalondero"

KARTENNOÙ NEDELEG ha BLOAVEZH MAT
nevez embannet gant ti Ar Mée.

Goulennit, goulennit adarre,
goulennit atav ur RADIO E
BREZHONEG E BREIZH!

Skolioù Brezhoneg Roazhon.

Levraougoù - Levr diez - Rollad da
vezañ savet
gant skoazel
an holl.

Tiez pladennoù - hag all - - - -

Kenwerzhourien oc'h ober gant ar yezh

Abadennoù skingomz a vez
ozet gant pladennoù gou-
lennet gant ar selavouerien.
Skrivit 'ta evit goulenn pla-
dennoù brezhonek. Kasit holi
zheroù d'an Ao. BARDON, 40
straed Sant Brieg, ROAZHON.

"Emglev An Tiegezhioù" a zo e bal lakaat hor yezh da vezañ ur yezh
vev ha YEZH AN AMZER-DA-ZONT. Pep tiegezh o tont en "Emglev"
a zo ur greizenn start hag OBERIANT a vuhez evit hor SEVENADUR.

?... GOULENN...? hag adsavet e vo "Skol-Veur Ar Bobl"?... pe get.

Savet eo bet ar follenn geleier-mañ gant
BRUDAN HA SKIGNAN evit mad
ar Brezhoneg. Embannet e vo bep tío
ma vo tu. War wellaat e c'hello mont
gant skoazel pep hini.

"GWELLOC'H EO ENAOUIÑ UR C'HOUL-
LAOUENN EGET CHOM DA LENVAÑ EN
DENVALIJENN" (Konfusius).

Kirieg evit an embann. Alan AL LOUARN - 30 leurenn al Lisoù - Roazhon

Skoazel a vo roet gant an du
a garo evit dastum KELEIER, en
sevel SKRIDOÙ ha TRESADENNOÙ
evit labourat war ar STENSILOÙ,
evit skrivañ CHOMLEC'HIOÙ, evit
MOULAN ar follennoù - h.a - h.a.
Deoc'h da welout hag e talv ar bean - - -